



14222

kal.komp.

III

Mag. St. Dr.

P

*Saroslaviensis Coll. San. Jeshu. Leopoldus Firsiamus
semper illustris novum adornatus*

PANEG. et VITAE

Polon. Fol.

N^o. 264.

Biblioteka Jagiellońska



stdr0005504



LEOPARDVS
FIRLEIANVS

SEMPER ILLVSTRIS
NOVVM ADORNATVS

SEV

AMPLISSIMI AC VARIJ HONO-
res Illustriss: FIRLEIORVM
FAMILIÆ

IN

Illustrissimo ac Reuerendissimo Domino

D. HENRICO FIRLEY
EPISCOPO PREMISLIENSI
INAUGVRATO, CVMVLATI.

Et à

NOBILI IVENTVTE COLLEGII
IAROSLAVIENSIS SOCIET: IESV
in literas relati:

ac eidem Illustrissimo & Reuerendissimo Domino
debitæ obseruantix studio dedicati,

Sub primum eius & auspiciatum in
suam Sedem ingressum.

IN STEMM A.



*Multa tuam variat species LEOPARDE figuram,
Mille tibi variant tergora picta nota.
Sed decori variant, variantq̄ perennibus annis,
Namq̄ tuum est varium non variare decus.*

BIBLIOTH. UNIV.



UNIVERSITATIS
JAGELLONICAE

PAVLVS à SZTEMBERK KOSTKA.

ILLVSTRIS^{mo} AC REVERENDIS^{mo}
DOMINO,
D. HENRICO FIRLEY,
Dei & Apostolicæ Sedis Gratia
EPISCOPO PREMISLIENSI,
ABBATIAE TINECENSIS
ADMINISTRATORI,
Summo Regni REFERENDARIO.



Amplissimum facit Tua dignitas amplissima, Illustriss: ac Reuerendiss: Domine, Tibi gratulandum sit, Pontificij honoris ornamenta ad Te diuinitus delata; an Premislie nobisq; adeo uniuersis quos in fidem ac tutelam Tibi noua hæc dignitatis accessio commendat. Tua hæc ad honores prolusio æternum est Premislie ornamentum, quæ futuris seculis inter suos Antistites FIRLEY M ad posteritatis memoriam gloriosa numerabit: Tibi neq; præter spem omnium & communes omnium voluntates, neq; ultra meritum accessit Honor, qui nisi maximus sit, Tuae dignitati par esse non potest. Quæ & quante sint animi Tui dotes, iam diu reputamus, qui etatem tuam intelligimus, sola virtutis ac dignitatis Tuae commendatione tam mature ad Honores amplissimos vocari. Clarissimi generis ea est amplitudo, quam tot tantisq; Honoribus celestis beneficentia à multis retrò ante seculis propagat. Dicam id quod venerari quisq; iure debeat; FIRLEYORVM

esse nasci è Senatoribus, mori Senatores. Ita nemo est inter amplissimos FIRLEIANÆ Gentis Proceres, cui, si non inundit etas, fortuna inuiderit Honorem.

*Claud. in
Paneg. de
Coss. Prob.
& Olibr.
Fratrum.*

His, neque per dubium pender Fortuna pauorem,
Nec nouit mutare vices, sed fixus in omnes
Cognatos procedit Honos. quemcunque requires
Hac destirpe virum; certum est de Consule nasci.
Per fasces memorantur aui, semperque renata
Nobilitate virent, & prolem fata sequuntur.

Liceat enim mihi, id quod olim Fratribus, Romanis Coss. laudator Poëta dedit, in Te, Tuamq; semper Illustrem Familiam verius deriuare. Peregrinus Honor & hospes alibi, domesticus est FIRLEIIS, quibus ita se communem fecit, ut hæredes filij, non bonorum minus quam Honorum, Parentibus nascantur. Sed quod illustre est in primis, & FIRLEIIS proprium, non vnius tantum aut alterius Honoris dignitatem posteritas ducit è parentibus, emulatione domestica Sanguinis: omnes qui in Rep. clarissimi sunt Honores, pari varietate atq; amplitudine velut in sedem domesticam concurrunt ad FIRLEIOS, quibus pulcherrima Gentilicij Leopardi varietas ad eam dignitatis speciem proluisse videtur. Atq; hanc felicissimam FIRLEIANÆ Domus varietatem nobis ante oculos propositam volumus, quibus Te cariorem esse necesse fuerit, ipsâ estimatione, tantæ tamq; varietatis dignitatis. Gratulandi officium ad conspectum & admirationem Tuæ amplitudinis transferri, non inuitus feres. Tibi hæc studia in Te nostra, atq; hanc pietatem deberi volumus, eamq; perpetuū obseruantie monumentum Tibi consecramus.

NICOLAUS FARVEY.

A D
ILLVSTRISSIMVM DOMINVM,
D. NICOLAVM FIRLEY,
Castellanum Woynicensem,
&c. &c.

ET Tibi FIRLEIÆ lux illustrissima Gentis
Alludit paruo nostra Thalia choro.
Accipe FIRLEIOS, non aspernatus honores.
Inque Tuo patrium Præsule, lumen ama.
Ipsa TVOS vult Musa sinus, secura repulsæ.
FIRLEIAM meminit se coluisse DOMVM.

FELIX PRZYPKOWSKI.

Argumentum totius Operis.

Russia pacata felicitatem suam mittit seiscitatum, cui sedes Pontificia Premisliæ fatis debeat. Pergit illa in Regiam Honoris sanè lucidam & illustrem; ubi altera ex parte Mnemosyne Honori relegit merita Illustrium virorum, & in his Illustrissimi Antistitis: ex altera Perennitas Honoratos Procere fastis solemnibus inscriptos, atq; interea FIRLEIOS canit, quorum varios & amplissimos Honores euoluit. Allatam inde è laboris officina Pontificiam tiaram Fortuna, Nobilitas, Virtus & Gratia, (senatus Honoris) HENRICO FIRLEIO deferendam decernunt. Simul tiara mittitur per Aquilam, simul nouus Antistes refertur in Fastos Perennitatis. Dignitatem nouam tanti Præsulis læta Russia complectitur.

LEOPARDVS FIRLEIANVS

SEMPER ILLUSTRIS

NOVVM HONORATVS

Russia ab incurfionibus Scytharum

libera, lætum agit otium, Pace, Copia, Lætitiæque
fido comitatu cincta.

Magna triumphales curru victore quadrigas
Rofia, neglectis tandem laxarat habenis,
Barbaricæque manus toties à cæde cruentas,
Sparfaque crudeli sæua inter vulnera tabo
Brachia lympharum purâ lustrauerat vndâ.
Protinûs exulibus reduces è sedibus anni
Dilectis rediére plagis, iterumque relicto
Æthere, felices gressum reuocauit in oras
Copia diues opum, pleno cui dextera cornu
Mellea montoso decurrere flumina Sano
Virgineisque dedit Cererem flauescere pratis;
Et quæ, sepositis, longè placabilis, armis,
Sæua verecundo compescit fulmina nutu,
Pax ignara doli, dubio prognata Gradiuo:
Et cui virgineis hilarescit florida malis
Purpura, gemmantesque inflammant gaudia vultus
Lætitia, irato facilis dispellere cœlo
Nubila, germanumque polo reuocare serenum.
Iam secura sui, gratoque animosa Dearum
Obsequio, mæstis induxerat otia curis
Mater & antiquum versabat lætior annum
Ludebatque dies, Spemque in sua vota trahebat.

HIERONYMVS ORZECOWSKI.

Postuorta Dei internuntia Russiam

certiorem facit magnum illi decus destinari cælitùs
quod Premissia acceptura sit.

INterea celeri nubes Postuorta volatu
Sulcabat, niueisq̄ue viam properabat ab astris.
Affuit, & tenero vultum iucundior æuo
Læta puellari frenabat nuncia risu,
His affata Deam: Nunc ô fæcunda bonarum
Mater opum, generosa viris, virtutis auitæ
Sedula, depositis succumbere nescia Fatis,
Quam coniuratis nunquam furor hosticus armis
Totaq̄ue barbarico rabies densata manûplo
Quassatam potuit supremo impellere letho;
Accumulant pleno tibi gaudia læta fauore
Clementes Superi: magno lux inclyta cultu
Fortunata tuis despondet lumina terris.
Illi magnorum sublime à stirpe Parentum
Illustrat Fortuna genus: Natura labori
Palladio facilem pura in præcordia mentem
Indidit: augusto Sapiaentia culta paratu
Gentiles cumulauit opes. ast æmula pulchri
Sanguinis, heroës Virtus accendit honores,
Cognatisq̄ue auxit cælestia pignora donis.
Regali non parca manu. Premissia tantum
Excipiet generosa decus. sic certa futuri
Iussa canunt: stat perpetuis sententia fatis.

IOANNES à Zmigrod STADNICKI.

Russia, accepto à Postuortâ nuntio,

magnum suæ Premissia accessurum decus, intueri
promissam dignitatem cupit.

Dixerat, & subitis obtutu euanuit alis,
Æthereas inuecta plagas, patrijsque recepta
Sedibus. Illa auidis incognita gaudia votis
Læta capit, tantiq̃ue adeò iam plena sereni
Proxima continuâ versat solatia curâ.
Iamq̃ue oculis haurire libet, quæ tanta secundus
Fortunet promissa polus, cui læta benigno
Arrisit tantum cœli clementia vultu,
Quem facilis dilexit Honos, cui lucida ceris
Nobilibus seruat viduos Premissia cultus.

NICOLAUS STAWSKI.

In Regiam Honoris Russia felicita-
tem suam mittit sciscitatum quodnam fata
Premissia promittant decus.

Ilicet æternam comitem, cui prona reclinat
Omnigenum Fortuna decus, natumq̃; iubentis
Officio venerata, vagos submittit honores;
His affata monet. Nostri ô fidissima custos
Imperij, si te patriæ felicia terræ
Secula, iuratiq̃ue oblectant gaudia regni;
I, pete cognatos aditus, vbi regia cultus
Cæsareos magno moles attollit HONORI
Augustamq̃ue domum (nam te regalia nôrunt
Limina) diuinisq̃ue intrò succede penates,
Quid superûm promissa ferant, quid læta secudent
Omina, quod tantum nostræ decus additur oræ,
Cui mea sollicita mœrens Premissia curâ
Despondet longis dudum sua pignora votis,
Disce, ait, & nostris felix reditura colonis,
Imple tantarum prænuntia gaudia rerum.

IACOBVS POPLAWSKI.

Felicitas

*Felicitas Russia in Regiam Honoris maturo peruenit
volatu.*

A Vdijt; & faciles per gemmea rura volatus
Ire dedit; cœloque viam commisit aperto.
Ceruleæ subeunt alis felicibus auræ,
Sydoniumque peplum, capitisque insignia circum,
Fluentesq; comas, chlamydemque assultibus implent.
Ipse leues vltro Reginae accommodat alas
Africus, & dominâ gestit clarescere pennâ.
Quâ liquidas molli cursu discriminat oras;
Arridet tellus; blandisque accedit euntem
Luminibus, festoque pium dat germine plausum.
Nereis effuso latè spatiata recursu,
Si qua superiectos suspexit ab æquore gressus;
Aurea deflexo longè vestigia Ponto,
Atque altas humili veneratur gurgite plantas.
Illa volans, celeres leni præuertitur Euros
Officio, tacitisque viâ defungitur, alis,
Donec maturo cœlos emensa volatu,
Attigit æterno ferrata palatia muro,
Magnificas arces: vbi pulchro regia sceptro
Maestas, altum latè fortunat Honorem.

ALEXANDER CZANOLASKI.

*In Olympo montium pulcherrimo & amœnissimo Regia
Honoris consistit.*

D Eucalioneo præter vastata profundo
Culmina, (marmoreos vbi ferrea secula partus,
Demirata nouo nasci vidère Tyranno)
Nubigenas inter colles, regnator Olympus
Attolit sublime caput; cœloque propinquus
Inserit, & rutilus audax confæderat astris.
Perpetuos Soles, & in eluctabile lumen
Seruat inoffenso duris Aquilonibus æuo:

B

Indo-

Indocilis moerere Notis, & tristia Cauri
Flagra pati. gemit ipse graui depressus Olympo
Æolus, & vanas nequicquam immurmurat iras.
Pulchra per augustum latè spatiosa cacumen
Planities, victrix Peneos despicit agros,
Æthereas mentita plagas. nam lege perenni
Perpetuant lætos nunquam morientibus hortis
Astra dies. floret brumali ignota pruina
Mitis humus, tutoque nitens innoxia cultu
Nectit honoratos aeternis floribus annos.

GABRIEL BORATYNSKI.

Honoris palatium gemmis structum, totumq; planè lucidum regio splendescit cultu.

Hic superimposito sublimis Regia muro
Æmula fidereis ostentat pergama templis.
Et puduit celsisse polis. attollit in orbem
Arduus augusto vertex fastigia tecto.
Qualia Phoebeis habitata palatia flammis
Aurea deducunt rutilo penetralia gyro.
Assurgit gemmis paries, colludit in auro
Gemma frequens, laterumque vicem subit aurea gleba
Gemmarum distincta toris. quas vndique diues
Legit HONOS. seu quæ rubeas in viscera lymphas
Ebibit agnati patrio de gurgite Ponti.
Seu quas Memnoniâ felix Garamantis in vndâ
Despicit, aut medijs Indus proculcat arenis.
Et quas impatiens oneris, cupidusque diurnas
Accelerare vias, leuibus permiserat auris
Cynthius. hic leni iaculatur sidere flammâ
Cælorum simulatus honor, cui cærulea pingit
Forma decus, totoque elidit nubila regno;
Inducitque dies, & amoenâ luce serenat.
Auratos inter laquearia fixa planetas,

Rident

Rident stelligeri regalia lumina mundi,
 Delius artifice radiatus tempora flammâ,
 Non occasuros iaculatur tutior ignes
 Illi florentes amethystia purpura vultus,
 Et croceo rutilas depingit murice malas:
 In roseis nitidum labris carbunculus aurum
 Eludit: frontem dubio discriminat arcu
 Sapphyrus: geminis oculi risere pyropis:
 Aurea Chrysolitis vernat coma. Proxima Phoebe
 Implet Hydaspeis pretiosum cornibus orbem,
 Non impar frenare suis nocturna lupatis
 Sidera, fraternoque vices obtendere sceptro.
 Æquales calcantur opes. nec marmora tantum
 Sufficiunt implere decus. prostratus iaspis,
 Synadias totâ crustas eliminat aulâ:
 Solus honoratæ cupidus vestigia plantæ
 Submisso portare iugo, licet inuida, passim,
 Optatis pretium sternant conchylia terris.
 Ducta per augustos ventis illæsa penates
 Laurea, gemmantes simulato palmitè ramos
 Explicat; & læto foliorum intexit amictu.
 Pendula Virgineis ditescit bacca smaragdis.
 Nec foliis imbellè decus. nec mollibus arbor
 Turget vana comis. Virtus operosa liquatum
 Fecerat, arboreis pretium frondescere gemmis.

FLORIANVS TARNAWIECKI.

*Regia Honoris ianue presidet Diuina Themis: quâ
 inuitâ, nemini patet accessus intro.*

AST vbi regales surgunt à limine postes,
 Ferrato solidata rigent adamante metalla
 Bronteâ firmata manu: quibus ardua necit
 Claustra chalibs, arcetque aditu, neque peruius vltro
 Incustoditas aperit sine iudice portas.

B 2

Seruat

Seruat adoratam metuendis Regibus arcem
Venturi præfaga Themis; quæ sola Tonantis
Concilijs adscripta, sacri conclaue Senatus
Iure subit: rerumque vices, legesque futuri
Voluit, & exscriptis metitur secula fatis.
Quosque superbificæ recipi penetralibus aulae
Clementi iussit Diuûm sententia voto,
Illa vocat, concors superis, aperitque secundis
Ominibus, nullo violatos robore postes.
Luctantesque trahit, magnisque inuitat Honoris
Pignoribus, dubiosque viæ comitatur, & vltro
Immensas recludit opes: quos iussa Tonantis
Arceri voluere, vetat. Stat cardine fixo
Ianua, nec longis pulsata repagula votis,
Auriferæque manus, mellitaque verba Clientum
Armataque preces, iurataque fulmina tangunt.

PETRVS POLANSKI!

*Multi aduigilant regali ianua, qui honoris beneuo-
lentiam ac beneficentiam aucupantur.*

Aduigilat numerosa cohors, supplexque fatigat
Excubijs duros aditus: Hic floridus annis
Nondum ferratos lassus percellere postes.
Vota spei committit amans. Hic lubricus æui,
Inter defessæ fastidia lenta senectæ,
Pergit adhuc tentare vias: vitæque labantis
Canam segnitiam maturo impellere letho.
Vagitu quatit ille fores: lacrymisque precatus
Obijcit augustis inhonora crepundia portis.
Non ea tam latè vigilatis anxia curis
Ambitio, totum sceptris regalibus orbem
Compulit in leges, auidaque tyrannide pressit.
Necdum pulsa tuis sincera Polonia terris,
Illa verecundos laudata Modestia cultus

Exulat;

Exulat; at posito longe gratissima fastu,
Viuit adhuc dilecta Lechis: quos liuida nunquam
Vicino potuit ridere Superbia vultu.
Scilicet ille vigor Piaſtæo cognitus æuo
Venari renuit: virtute exæquat honores,
Promeritiſque decus non ambitione tuetur.

IOANNES ZAKRZEWSKI.

Labor ſedulus Honoris inſignia elaborat; ſceptra, coronas, mitras, tiaras, trabeas, aliaq; id genus meritorum decora.

A Tria gemmato circum vallata metallo
Artifices cinxere fori: queis plurima late
Exantlat longum vigili manus arte laborem.
Hic clari faſces, fortunataque coronæ
Et rutilo creſcunt diademata fulgida nexu
Hic picturatum trabeis radiantibus aurum
Nectitur, & pulchro chlamys ignea feruet in oſtro.
Lætæque Sydonijs variantur balthea nodis:
Et bifidæ vernant pretioſa in luce tiaræ.
Heroum maturat opus Labor. ille recludit
Tempus, & obſtriſtis exterminat otia curis.
Appropereſcit ſociata cohors, ſeſeque viciffim
Hortatur. liquido trepidum lebetæ metallum
Feruere: & ignitis fumant pretioſa caminis
Nubila. ſpumanti deducitur aureus igni
Alueus: agnatum gemmata monilia rorem
Confundunt pretio: pretium confunditur arti.

IOANNES ZDZANSKI.

Honor pulcherrimus throno inſidet regali: circum undiq; effundit lucem: coram depoſita inſignia cernuntur.

A S T vbi præcipuo radiantia lumina cultu
Internos texere Lares; atque æmula veri
Ætheris, augetos ſparſerunt aſtra penates.

Sublimis folio ; propriaque in luce verendus
 Degit HONOS, ipsiq; illustrior emicat astris.
 Qualis flammium Titan connixus Eoo
 Postquam stelligeri super ardua terga Leonis
 Inuexit curram, caelo, mediusque resedit ;
 Supremo vibrat flammam pulcherrimus axe :
 Euincitque diem, lucemque in luce fatigat,
 Imbuit aeternae decus immortale iuuentae,
 Purpureos vultus : teneris gratissima vernat
 Forma genis : primam croceas lanugine malas
 Signauit geminata Charis : quam liuida nunquam
 Canities timidam possit violare pruina
 Adstringit pretio tellus Marcotis auito.
 Bacatam circum gemmantia tempora frondem ;
 Regius illuxit vestis nitor : aurea late
 Purpura Caesareo radios effundit amictu.
 Ante triumphali multum sudata labori
 Dona iacent, pictaeque togae, cinctusque decori
 Sceptraque, vittataeque mitrae, bifidaeque tiarae,
 Caeteraque infomni quaesita insignia curam.

PAVLVS RADZISZEWSKI.

*Mnemofyne vna e regio HONORIS comitatu, me-
 rita Illustrium virorum HONORI relegit.*

Pone latus cinxere Dex, quas Regia magni
 Numinis augustae complexa penetibus aulae
 Nobilibus sedis, pulchroque enutriit aeo.
 Altera Letheis nunquam tentata procellis
 Mnemofyne, croceo flauentes imbre capillos
 Castaque Pieriis irrorat tempora guttis.
 Sedula transacti reuoluto stamine pensi
 Dextera, marmoreis labentia tempora chartis
 Calabat, memori que viros condebat in auro.

Seu

Seu pietas æquata polo, seu nescia frangi
Integritas, sanctique tenax custodia iuris:
Seu patriæ dilecta quies, studiumque togatæ
Pacis, & ignavos contra defensa tumultus
Relligio secura sui: seu nota Gradiuo
Certatisque diu virtus exercita bellis.
Seu priuata fides, & certi tutus amoris
Vfus, & armatæ non impar ciuica laudi,
Exposcit tacitâ meritorum præmia linguâ.

GASPAR WOIAKOWSKI,

Illustrissimi HENRICI FIRLEY merita Mne-
mosyne paucis in memoriam reducit HONORI.

TVq; adeò magnum FIRLEIO è sanguine germen,
Cui sublime genus titulis illustribus æquat,
Par meritis fortuna tuis: iam sæpe notari
Dignus, honoratas implèsti nomine ceras.
Nec latuit mens illa Deam, cui publica laudem
Fama dedit; quanquam meliorum diues honorum
Copia, fumoso non ambitiosa paratu,
Aut mendicatâ famulantum ingloria linguâ
Sed proprijs animosa bonis, immotaque vulgi
Plausibus, ipsa tuos commendat honoribus annos,
Et caput hoc primis memorat creuisse tiaris.
Scilicet occiduas latè quæsitæ per oras
Cognato spectata diu sapientia cœlo,
Plenaque canities animi: cui prima senectus
Submisit recline genu, magnumque loquendi
Pondus, & illimi dulcis facundia riuo,
Digna Palatinum moderari voce senatum
Pleraque librato virtus examine; qualem
Nec pretiosa fames, nec cæco prodiga luxu
Dextra velit, pietasque sacris obnoxia curis

Et consanguineâ suppar consurgere mitrâ,
Illustrem trabeamque humeris capitique tiaram
Poscebant, meritaque diu iam voce manebant.

STANISLAVS RADWANSKI.

*Perennitas Regum HONORIS latus alterâ ex
parte cingit, cui viros honoratos in fastos referre pro officio incumbit.*

ALtera perpetuo non intercisa rotatu
Æra trahit; facilisque grauem deducere textum,
Æternaturis connectit secula filis,
Sola sepulchrales inter secura ruinas,
Emeritam turpi potuit subducere letho
Virtutem, aduersisque viros defendere fatis.
Nec labor est vnus. longum memoranda per æuum
Nomina, cælestes animas; quas purior æui
Pars aluit, meliorque dies felicibus auris
Nutrijt; & toto voluit clarescere coelo;
Seu pulchrum comitata genus. seu robore virtus
Nixa suo, seu prona auido fortuna labori.
Eripuit letho, tenebrisque, & vindice dextrâ,
Ferales populata domos, tristesque recessus,
Æternis iussit felices viuere fastis.
Victrici rapidum flamma tenuante metallum.
Lucida collegit pretiosas bractea chartas:
Vndique Erythræis defenditur aurea gemmis.
Pagina: cælestem graphio conchylia rorem.
Approperant: liquidis consurgit litera stellis.

ANDREAS de Plezewice FREDRO.

*Illustres & honorati omnium gentium viri in Fastos
Honoris relati à perennitate, immortalitate nominis fruuntur.*

Hic Reges, regnoque pares, hic Dardana virtus,
Albani que

Albaniq̄ue Patres & auitæ lumina Romæ :
Hic Latij Tyrijq̄ue Duces: hîc Annibal Alpes
Diuidit: hic celerem cunctatur Maximus hostem
Hic Macedo densis felicia prælia regnis
Certaq̄ue securo dispensat bella triumpho :
Hic Catilinæos Româ nutante tumultus
Exturbat dominæ victrix opulencia linguæ :
Hic taciti claudit ciuilia limina Iani
Impositis orbi felix regnator habenis :
Hic Gallus Rhœtusq̄ue ferox : hic tristis Iberus
Illustres miratur auos : hic Cimbrica tellus
Conspicuum patrijs numerat virtutibus æuum.

STEPHANVS de Hodnowice FREDRO.

*Polonia proceres Reges alijq̄ à perennitate æternum
memorantur.*

NEc super inuecto tantùm trepidantia Phæbo
Climata solerti lustrat Dea prouida vultu
Arctœas exosa plagas, canamq̄ue Bootæ
Dedignata domum: memorat non inuida priscos
Sarmatiæ Patres, gelidoq̄ue è sanguine pulchram
Progeniem, fortemq̄ue Lechum, patriaq̄ue superbum
Vrbe Cracum, Piastumq̄ue æui melioris alumnum
Felicemq̄ue Chrabrum, domito quem cernuus Albis
Amnetulit, teque innumeros Criuouste per annos
Bella triumphali solitum decurrere plausu :
Tequoq̄ue cui tenues Virtus infusa per artus
Regalem clausit populari in corpore mentem
Exili contenta domo, paruisq̄ue recepta
Postibus, edomito victrices Teutone lauros
Emeritum, primisq̄ue parem clarere triumphis :
Cæteraq̄ue Arctœo late spectata Trioni
Lumina, permistos Proceres, galeæq̄ue coronam
Regiaq̄ue innocuis diademata iuncta Tiaris

C

Campa-

Campestresque Duces, Castellanumque Senatum
Dissimili virtute viros, pariterque rogata
Cara Deæ, pariter studijs asperrima belli
Pectora. Censentur longis ex ordine ceris
Felices animæ, & merita iam laude fruuntur.
Voluit opus virgo docili cui mille perennant
Seclâ manu, pulchrumque oculis solertibus aurum.
Decurrit, priscisque novos compaginat annos
Aut memorat clarum laudatis Patribus ævum.

CONSTANTINVS NARAIOWSKI.

Felicitas Russæ in Regiam Honoris peruenit.

FIRLEIOS interim perennitas celebrabat.

Forte autem tacito cum festa palatia gressu
Virgo Rosjiacæ felix prænuntia terræ
Officio Themidis subijt, penitisque recepta
Sedibus augustum propior suspexit HONOREM.
Nympha perennanti connectens sæcula ductu.
FIRLEIOS (Lechicis semper venerabile terris
Nomen) honorato memorabat sedula cantu
Seu quos humanis immiscet gloria rebus:
Seu quos mortali Lethea obliuio vitæ
Eripit: æterno melius tutatur in auro
Fama recens: viuit magnis Gens inclyta fastis
Bellorum pacisque decus: laudata perennat
Magnorum virtus post sæcula mille parentum.
Augustam deuota inter Pallatia lucem
Emeritis impertit HONOS.

STANISLAVS de Pleszowice FREDRO.

*Nonnulli è FIRLEIA Familia illustres bello ac
pace, viri immortalitatem consecuti in Fastis recensentur.*

Securior æui

Olim mortales isthuc OSTASIVS annos
Transtulit, æternâ meritis clarescere pennâ
Hic fortunatis, victor Mæoticus armis

STANI-

STANISLAVS canitur, quem Lublinsia circum
 Culmina Tartaricâ vidêre in cæde calentem
 Barbaricique inter stagnantes sanguinis vndas
 Immensum magnâ pelagus virtute ruentem :
 Hic PETRVS, veteris quo non seruantior æqui
 Slauini quisquam tenuit vestigia iuris.
 Ipsa viri fertur primam excoluisse iuuentam
 Iustitia, & prisco laudatas Iudice leges
 Securo posuisse sinu, iamque arma minaci
 Vibrantem dextrâ, ad prisca subsellia Lechi
 In patriam reuocasse forum : hic Mauorte secundo
 Belliger Euxinos admittit ductor in hostes
 Inuisoque lauat Sokalica rura cruore.
 Atque alter cui læta suum victoria nomen
 Commodat, Ausonio magnum Cicerone senatum
 Bullatiq̃ue implet par Tullius agmina Campi :
 Hic fortunatum felici è sanguine germen
 Andreamque Petrumque aliosque illustra coelo
 Nomina, cognatæ tot propugnacula paci
 Æternis mandat virtus sublimior annis.

IOANNES de Pleszowice FREDRO.

*Perennitas FIRLEIÆ Familie Honores in fastis
 descriptos euoluit.*

PRIMA Deæ cura est summos euoluere honores,
 Totaque congestis meritorum præmia donis,
 FIRLEIANORVM monumenta æterna laborum.
 Et memorat virgo magnæ decora ardua Gentis
 Plena Leonteo radiare insignia Pardo,
 Æquatamque domum superis, nullisque secundam
 Gentibus, augusto tantum concedere sceptro.
 Cantatur variatus Honor. sic ordine lento
 Felix decurrit trabeatæ lumina Pompæ.

IACOBVS à Koniecpole KONIECPOLSKI.

C 2

Abawi

Abavi Illustrissimi Antistitis Honores ac virtutes decantat è fastis perennitas, quæ Principi Castellano, ac inprimis summo Regni Exercituum Duci Victoris de Crucigeris ac Moschis illustri dedit immortalitatem.

NICOLAUS FIRLEY
PALATINUS SENDOMIRIENSIS.

Deinde

CASTELLANUS GRACOVIENTIS
SUPREMV EXERCITVVM REGNI
IMPERATOR. &c. &c.

Emeritus virtute decus.

*Huc ô seueris nata laboribus
Formosa virtus, cui decus arduum
Fascesq; pacatq; mitra
Virgineâ famulantur aulâ;*

*Exurge tensis viuuda brachiis,
Armata ferro. qualis in hostium
Assueta victrices phalangas
Belligerâ glomerare dextrâ.*

*Qualem rubenti Thracius alueo
Miratur Ister, vel Lybiâ vagus
Neptunus, Ægeaq; verso
Thermopyle stupuere ponto.*

*Talem paterni sanguinis impiger
Dextrâ prehendit iam docili puer
FIRLEIVS, & promptam iuuenta
Belligeris redamavit annis.*

*Illum & retorti seuâ Borysthenis
Longè refusis vorticibus vada
Dunq; Moschæq; Volgæ
Eligida timuere ripe.*

Et inuidendis ditior alueis
Regnator alma Vandalus Istula
 Canisq̄ montosum pruinis
 Littus, Hyperboreâq̄ Tethys.
Grandeua brumâ vidit & vuidum
Pacata vultum (quem trepidis diu
 Defessa merentem procellis
 Pulvereâ quatefecit undâ.)
Totis reductas Nereides vadis
Collegit alto, pronaq̄ fluctibus
 Letas adorantum choreas
 Ceruleo prior egit orbe.
Dum perduelles magnus in hospites
Impendet ultor, saepe rebellibus
 Extremus, infidoq̄ summâ
 Teutonide metuendus irâ.
Tandem cruentis languida cadibus
Sceptro superbum Prussia verticem
 Submisit, & longa labantem
 Perfidiâ, dubiamq̄ bellis
Proiecit iram. Qua faciles dedit
FIRLEIA virtus. Lechiade vias
 Perrupit aeternum laborem
 Imperiis animosa pubes
Armata totis mania rupibus
Egère turres, & grauis arcium
 Lorica, ferrateq̄ portæ
 In patrias rediere glebas.

*At non cruento tristis in otio
Belli potentem sustinuit virum
Moschæa FIRLEIO prementi
Terga dedit, timidosq̄ cedi.
Obiecit ausus, ceu grauis impetu
Altum niuis turgidus Alpibus,
Sylvasq̄ stagnantesq̄ circum
Eridanus populatus agros
Urget refusis oppida copiis,
Retrò secutus terga fugacium
Vastator, undosaq̄ certâ
Approperat sine lege mortes.
STEPHANVS. MALYNSKI.*

*Proauum Illustrissimi Præfulis Palatinum Russia eius
terra propugnaculum, Prussia pacatâ memorandum perennitas se-
culi commendatum canit.*

*PETRVS FIRLEY NICOLAI F.
TERRARVM RVSSIAE PALATINVS. &c. &c.
Nescia Fama mori.*

*Non te Synadio leuis
Victurum memorat gloria marmore
Lentis obsita seculis
Ludunt in stabilem marmora gloriam
Te calo meritum super
Aeternum facili prouehit æthere
Magni conscia sanguinis
Virtus, & dubiis nota periculis
Aeterna pietas fide
FIRLEIS pietas æmula patribus
Illa & consilij potens
Nutantem dubio iure Borussiam*

Et sce-

Et sceptri refugum genus
Frenat belligeri legibus imperi
Et promptâ facilis manu
Insedit patriæ limina Rossia
Alti mœnia pectoris
Opponi rapidis impigra Tauricis
Non si barbaricis Getes
Horrendum lituis increpuit Tyram
Securo refugus pede
Triuit flauicomæ rura Pocucia
Non retro spolijs grauem
Agresti sonipes restituit plagæ
FIRLEIAM trepidus manum
Inuiso metuit tutius otio.
Tum plenos reflui sinus
Implerunt avidis fontibus alueos
Lato mellea gurgite
Vndarunt tacitis flumina vallibus
Tunc & gramineum Ceres
Erexit facili iugere verticem
Et dura impatiens manus
Lata promicuit messe beatior
Tunc & pax & Amoenitas
Inuexere avidis gaudia ciuibus.

IOANNES FERDINANDVS de Mirowski Myszkowski.

Auum Illustrissimi Antistitis sua ac Filiorum dignitate celeberrimum, illustribus legationibus ad Carolum inprimis V. & fide à Bogdano Valachia Palatino accepta clarum perennitatis memoria mortalitati eximit.

IOANNES FIRLEY PETRI F.
PALATINVS CRACOVIENSIS
SVPREMVS CVRIÆ REGNI MARESCHALCVS
GENERALIS CAPITANEVS CRACOVIEN.
MAGNORVM SENATORVM
NICOLAI PALATINI CRAC. &c.

ANDREAE CASTELLANI RADOMIEN. &c.
IOANNIS CASTELLANI WOYNICEN. &c.
PETRI PALATINI LVBLINEN. &c.
HENRICI ARCHIEPISCOPI ET PRIMATIS.
FELIX PATER.

Post Fata superstes.

*Caruli virgo per amœna campi
Lata felices renouare lusus
Qua leuis pronò Zephyrus maritat
Otia somno.*

*I per immensi vaga regna cœli
I per auratam spatiatà zonam
Ocyor pulchras moderare cursu
Præpete pennas.*

*Thespio voces acuate plectro
Differ æterna meritum Thalia
Qua serenatum docilis recurrit
Cynthius orbem;*

*Differ annoso memorem Bootæ,
Horridas tristi glacie pruinas
Vltra, & Arctoi metuenda Lechi
Regna IOANNEM.*

*Notus assetam tibi Dacus aulam
Pandit, & Lecho facilis Cradiuo
Gallus, & longè grauis inquieto
Cimbria bello.*

*Suada facundæ generosa lingua
Sæpe Germano memorata Rheno
Lene demulsit socio Latinum*

Teutone sceptrum.

Ad Carol. V.

Legatus, &

ad exigendum

à Bodgano Va-

lach. iuramen-

tum missus.

Arma FIRLEIA veneranda dextra

Cernuo vidit coluisse vultu

Prona cognati dubium Palati

Dacia Regem.

Latiore vasti superet Canopi
Fervidos Soles, & Eoa Serum
Regna, & immiti trepidam Leonis
Verbere terram.

Digna semotos agat inter annos
Seculum virtus, meritaq; laudis
Diues, effuso geminum recurso
Impleat orbem

Caritas pulchrae studiosa pacis
Patriis longe memoranda terris
Vivit, & lento Pietas, Fidesq;
Dedita sceptro.

Nec suis tantum meritis superstes
Claudit angusto decus omne campo:
Vivit in magnos generosa virtus
Fusa nepotes.

GABRIEL ZAIACZKOWSKI

*Patri Filius non degener domi forisq; de patria bene me-
ritus, Patruus Illustriss: Praesulis à perennitate taceri non potest. Lau-
datur digna laudari virtus.*

NICOLAUS FIRLEY IOANNIS F.
REFERENDARIUS REGNI
Dein

PALATINUS CRACOVIAN.
PATREM FILIUS SECVTVS.
Cognatum Decurrit iter.

ET te paternis viuida laudibus
Alto parantem vela Fauonio

Implere, cognatum decoro
Urget iter properare passu

FIRLEIA virtus. I licet ocyus
Non vile nomen sanguinis inclyti

Da vela ventis, & paternum
Accelera trabeis laborem.

D

Nunquam

Nunquam receptis segnis honoribus
Deperdit eum, dum varium decus
Paterq; magnorumq; longè
Exstimulat series auorum.
Iam letus armis Odrysiæ premit
Victor phalangas: iam refugos mari
Gothos fatigat, Moschuamq;
Præ gelidis agit acer Arcti,
At non quieti prodigus otij
Bellæ tantum prælia Bistone
Desudat & pacem togatæ
Consilijs moderatur aula
Non paruus hæres. impigra ciuibus
Curas reclinat supplicibus fides
Tutorq; submittit laborem
Magnificum pietas clienti
Ultra paternis iam titulis parem
Virtus auitis æmula honoribus
Inuitat, agnatæ q; reddit
Emeritum trabeata sella.

NICOLAUS MODZELOWSKI.

*Fortunatus sua virtute Heros moderationis exemplum
reliquit posteris, utili Thesaurarij officio, vltro in Regias manus deposi-
to: Fortunatus Pater Filio Illustriss. Antistite viuut Perennitati me-
moratus.*

IOANNES FIRLEY IOANNIS F.
CASTELLANVS WOYNICEN.
REGNI THESAURARIVS. &c.

Terris laudatus & Astris.

Non otiosis imbuit ceris genus
Æterna FIRLEIS domus
Nec immerentes sanguinis pingit notas
Pater labanti Filio.
Virtutis hæres nascitur Patri nepos
FIRLEIIVS FIRLEIIO.

Magnum IOANNES patrij decus Lechi
Donat IOANNEM patriæ
Non ille tardis arduum vestigiis
Molitur ad cœlos iter ;
Nec mutuata lentus infistit viâ
Paruas Honorum semitas
Labore magnum ducit empturum decus
Cognata FIRLEIVM via.
Quâ purpuratos miscuit Diuis Patres
Non parca virtus sanguinis ,
Per & madentes hostico tabo plagas
Circum fremente barbaro
Per & curules calle FIRLEIO gradus
Prona fauente Gloria
Ite ô decora laudis æternæ seges
Perennitatis Filij ,
Fugaciumque præter annorum choros
Volatilesque mensium
Præter cohortes , ite victuri polo
Magni Senatus Concill
Tuque ô decora laudis æternæ seges
Germana proles gloriæ
Scriberis altos inter æternus Patres
Cœli perenni marmore
Affine Pardis astriger tergus Leo
Tuis reclinat laudibus ,
Nouumque rebus , prouidumque consilii
Pleno refingit sydere
Fugax honori peruio , & cupidini
Inuicta virtus aureæ
Non inuidendis gemmeum electrum poli
Signauit astrorum notis.

Vivis perenne Filius Patri decus:

Vives perennis FILIO.

HIERONYMVS de Dembiany DEMBINSKI.

*Magnum Illustriss. gentis decus Regni Polonia primum
Principem dignum olim Regia Henrici Regis dextera leuari è sacro
fonte perennitas prædicat.*

HENRICVS FIRLEY IOANNIS F.
REFERENDARIVS

tum

PROCANCELLARIVS REGNI.

Hinc

EPISCOPVS PLOCENSIS.

Demum

ARCHIEPISCOPVS GNESNENSIS LEGATVS
NATVS, R. P. PRIMAS PRIMVSQ. PRINCEPS,

Quod potuit tibi terra dedit.

Non viles animas, nec popularia

Inuito canimus nomina Pythio

— Vulgarem renuit tendere barbiton

Cani gloria temporis

Henricum Lechicæ lumen adoreæ

Aeternis memorem secula posteris

Ereptum refugo dicite Cynthio

Iam celo & Superis parem

Olli Sydoniæ veller a fasciæ

Aspersit croceo lene rosario

Nascentiq; super liliæ gemmeis

Infudit calathis HONOR.

Inter sceptrigeræ brachia purpuræ

Regali mæritum ludere dextera

Auro nobilium roscidus imbrum

Intexit pretio potus.

Caram luminibus Delius viridis

Prædam gemmiferi depluit æquoris

Eoq; avidum Nerea littore

Luçtari lachrymis dedit.

Iam tunc & Pietas & roseus Pudor
Et virtus animis viua coloribus,
Riserunt pueri lucida seriis
Incunabula Gratijs.

Quæ circum Lechicis nata trionibus
Bellacem volitat, Gloria cardinem
Fertur magnanimo non pueriliter
Tunc alludere paruulo

Cum lenis tacitis Vandalus alueis
Implentem volucris verba Fauonio
Auditor subiit ponè sequacium
Lato marmure Naidum

O dextris genitus cœlitibus puer!
O magna genitus Paruule gloria!
Cresces o Lechicæ sydus adorea
Cresces lux noua Patriæ.

Iam te propitiis, dixit, Honoribus
Fortuna famula cingere dextera
Virtus & meritis inçlyta fascibus

FIRLEIA appropereat Domus.
Hinc circum trabeas, hinc bifidum decus
Eois madidas imbribus infulas

Hinc lunata crucis sydera & igneis
Gemmatum radiis pedum.

Paruâ iam facilis prendere dextera
Hæc inter tenero luseris otio

Olim cum Latio, notus & Imperi.
Spectatus Patribus redux

Optanti referes munera patriæ
Quæsitis melius tuta laboribus
Vltrò iam trabeas iam tibi principes
Verax destinat Infulas.

ANDRÉAS TRZCINSKI.

D 3

Dum

Dum Perennitas Firleiorum Honores canit, labor tiam mirè elaboratam, ac pictis Premisliensium Prasulum intertextam stemmatis sui operis pensum Honori offert.

INterea læto rorantia tempora circum
Irriguus sudore labor. cui viuuda presso
Dextera duratur callo sed frontis honestæ
Integritas magnos aditus, sceptrisque superbum
Limen & augusti pandit secreta palati;
Adstitit & fului radijs lunata tiaræ
Sydera gemmatum pretio dextraque politum
Artis opus magno pronus submitit Honori.
Chrysolitis latè rutiloque adamante superbit
Pulcher apex, geminamq; attolit vertice Phæben
Pendula luminibus pretiosi copia roris
Conniuet dubijque ardent indagine soles
Auratum riuis animata coloribus orbem
Astra tegunt laterique hærent hic Portitor anni
Floriferis Aries permiscet vellera stellis
Pictaque flauicomo vincitur fascia nodo
Stellatusque Leo magni formosa Laboris
Gloria flauenti dispergit sydera tergo.

STANISLAVS ZGORZELSKI.

Cui tam elaborata Tiara deferenda sit senatu ab Honore habito deliberatur Vocantur in Concilium Fortuna Nobilitas Virtus & Gratia.

IPse decus miratur honos lætaque reuoluens
Pensa manu tanto gemmantia lumina cultu
Cui ferat ignota versat sub pectore cura
Affinesque Deas vocat agnatique senatus
Concilium. FORTUNA alio iam tutior orbe
Et picturata late circumflua Luna
NOBILITAS VIRTVSq; animi secura virilis
Gratiaque emeritis non dedignata vocari
Confidunt tectis radiantibus incipit ille.

Non

Non hæc præcipiti ferri temeraria dextra
Dona libet. multo luctantia munera Phæbo
Cernitis atque ipsum decori colludere cælum
Vos agite & vestro non ignorata labori
Nomina & æternam faciles decurrere vitam
Ferte viros dabitur merces præclara merenti.

STANISLAVS LAPINSKI.

*Vnanimi consensu ac votis concordibus senatus omnis
deferendam HENRICO FIRLET Tiaram censet lubens votis
Honor annuit atq. ita decernit.*

HÆc paucis effatus HONOR. cum protinus vni
HENRICO vox vna studet. FORTVNA paratus
Magnificos, patriæque innoxia flumina gazæ
NOBILITAS sublime genus longeque parentum
Illustres trabeas, coniuratumque sequenti.
Posteritate decus: memorat decora omnia VIRTVS
Pectoris augusti: meritis impendit honorem
GRATIA. non vlli tantùm sperata Dearum
Affuit optatis vnquam concordia votis
Arrisit formosus HONOR lætumque renidens
Viue ait, ô nostros felix aditure penates
HENRICE atque olim melius victurus in vnum
Muneribus consuesce meis.

STANISLAVS DVNIKOWSKI.

*Mittitur ales Regius cum Tiara ad Illustriss: HEN-
RICVM applaudit nouis titulis Honoris aula.*

Fronte repercussum radiis vibrantibus ignem
Syderea latè effudit formosior aula
Aligeroque simul felicia iussa ministro
Binaque lunatæ commendat sydera mitræ
Ibis ait: Lechico visurus frigida coelo
Regna, Lycaonioque rigentia climata plauastro

D. 4

Cogna-

Cognatas nido & pullis regalibus oras
 FIRLEIA Mque Domum pridemq; adamata reuifēs
 Limina, gemmatique decus crinale tiaræ
 HENRICO referes. Facilis mandata capēsit
 Ales, & Eois pennas diffunditur Euris
 Personat interea felicibus aula triumphis
 HENRICVM chorus omnis amat; plenoq; refundit
 FIRLEIVM vox vna sono FIRLEIA crescunt
 Nomina, & æternos cumulant illustrius annos
 lamque decus crescit decori. noua gloria fastis
 Additur, æternum HENRICVS victurus in æuum.
 FRANCISCVS DYDINSKI.

Inter Honoratos Procere Illustrissime familie nouum
refertur decus nouus Antistes dudum iam æuum emeritus & æterni-
tatem cui delatus honor ad maiores praludit.

HENRICVS FIRLEY IOANNIS II. F.
 REFERENDARIVS REGNI

inde
 EPISCOPVS primū PREMISLIENSIS

O quis & quantus?

In fatis ac votis omnium!

Meritis maiora parantur.

Quis tam refusas æquoribus vias
Desiderati nauita littoris

Securus immanem procaci

Oceanum peragrarē cymbā

Festinet? eheu pone rebellium

Minax procellarum Aeolus obuiis

Impendet antennis & alto

Indocilem reuocare lembum

Minatur. ô qui Pegaseas leuis

Inscendis undas, cum citharæ procul

Arguta maturat canoris

Aura super volitare ventis.

Huc

Hūc tende velox transtra loquacibus
Vrgereremis, hic liquido patet
Famaq̄ virtutumq̄ latè
Alluio pretiosa Ponto
FIR LEIA magni sanguinis indoles
Succreuit alto. iam patrias simul
HENRICVS & terris refusas
Ingenij properante vena
Decurrit oras, Pièrium celer
Inuectus æquor, sedulus amnium
Collector, immensus reductis
In patriam rediturus undis
Laboriosis ditior alueis
Alto timendos purpureo sinus
Impleuit ignarus procellæ
Et profugo reuerendus Euro.
Gratis supinat littoribus viam
Regnator alti Magnus, & hospitem
Mirata virtutem receptis
Nobilior colit aula donis.
Quantus reclusis eloquio ostiis
Gratum seueris influit auribus!
Quantus laborantem clientum
Et populi metuentis undam
Subduxit Euris mitis & Africo!
Quantus beatæ flumine copie
Exundat aris! & minores
Largifluo tegit amne terras!
Iam peruicaces Æolidum potens
Sedare turbas & rapidam Noti
Frenare securus procellam
Sub geminam pia terga proram

E

Lætus

*Lætus reclina. Te patriis cupit
 Defessa curis Lechis, & anxia
 Pacemq; legesq; & salutem
 In dociles tibi credit vlnas.
 Te restituta Religio admouet,
 Amata sacris: Te superum fides
 Custodem & æterni patronum
 Iuris amat, stygiumq; iussit
 Frenare crimen. Tu faciles subi
 HENRICE puppes. Hic tibi principes
 Olim renascentur tiaræ
 Et patriæ decus omne mitræ.
 Aequata virtus sanguinis inclyti
 FIRLEIIANIS urget honoribus
 HENRICVS Henricū sequentem
 In Lechicum vocat ire Nidum.*
 STANISLAVS à Sczapanowo SCZEPANOWSKI.

*Felicitas Russie his ita acceptis, in Regia honoris ad Ros-
 siam reuerit nuntium optatissimum defert Rossia inde noua & insignis
 letitia oritur.*

Regius emeritos Ales maturat honores
 HENRICO celeresque secat non impiger auras
 Pone secuturis festinat Rossica pennis
 Regalem virgo propius comitata ministrum:
 Obuia materno properanti Rossia vultu
 Arridet, reducemque oculis festiua salutat
 Ut certa promissa fide securaque tandem
 Nuntia, & augusti mandata accepit Honoris
 Ter lætum increpuit ter amœnum ad sydera vultum
 Sustulit, optatisque applausit seria votis
 Mater, & ô nostræ (dixit) pars maxima curæ
 Inclyta belligeri studiis Premissia Lechi
 O quod propitiis maturant sydus ab astris

Fata

Fata tibi! quantum parua decus accipis aula
Sis felix, tantoque imple mea gaudia fructu
Dixit, & ipsa nouo subito iuuenescere cultu
Visa simul, niueamque genis prætere lucem
Alludit spes certa oculis. FIRLEIA renident
Protinus, heroesque aspergunt lumina soles

STEPHANVS POGROSZEWSKI.

Ad Illustriss: ac Reuerendissimum
PRÆSVLEM,
CONCLUSIO.

*In Tua cum vellet nostras præconia Musas
Cogere Thespiaca doctus Apollo lyra,
Erubuere Dea tacitisq; silentia plectris,
Et muta lentas detinuere fides
Scilicet immenso patuit Tua gloria campo,
Gloria Smyrneam tangere digna chelym
Hic celo sublime genus, magnusq; Parentum
Sanguis, & eterna lumina mille Domus:
Hic animi pleno sapientia culta paratu,
Eloquio facilis, consilioq; potens.
Hic pietas equata polis, interq; tiaras
Illustri virtus irradiata mitrâ.
Non ea tam leuibus ludenda est gloria Musis,
Non immaturâ deproperanda chely.
Ite tamen, dixit, facilesq; in carmina chordas,
Atq; operi tenues appropere fides.*

*Ludite, dum magno Presul preludit honori
Dum teneris vernat prima tiara comis.
Cum plenos meritis implerit honoribus annos,
Maturam dederit seria Musa chelym.
Ite licet. facilem spondet clementia frontem
Presulis, & placidis gratia fixa oculis.
Aut si confertos late indignetur honores
Imparibus, tantum deproperasse modis:
Non vitium plectri est: hec est Tua gloria Presul:
Nulla equat tantum, dicite Musa decus.*

IOANNES ROMER.



CRACOVIAE,

In Officina Typographica Francisci Cæsarij,
Anno Domini, 1632.

J. xxiii.



